



**ZAPISNIK O RADU 35. SJEDNICE  
KOLEGIJA GRADSKOG VIJEĆA GRADA SARAJEVA**  
održane 07.11.2018. godine

Broj: 01-GV-02-1152/18

Datum: 07.11.2018. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Tea Mušić, predsjedavajuća Kluba gradskih vijećnika SBB
7. Mr. Vibor Handžić, predsjedavajući Kluba gradskih vijećnika Naše stranke
8. Sead Srna, predsjedavajući Kluba gradskih vijećnika "ASA"
9. Snežana Omukić, zamjenica predsjedavajuće Kluba gradskih vijećnika DF
10. Nuko Grebović, zamjenik predsjedavajućeg Kluba gradskih vijećnika GRADANSKI SAVEZ – SAVEZ ZA STARI GRAD
11. Bajro Biber, predsjedavajući Kluba gradskih vijećnika BOSS – USD
12. Srđan Srdić, predsjedavajući Kluba samostalnih gradskih vijećnika Srdić – Stojnić
13. Safet Krajišnik, sekretar Gradskog vijeća

Sjednici je prisustvovala u ime Gradonačelnika Maja Hadžihalilović, rukovodilac Stručne službe Gradonačelnika.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Bez rasprave, na prijedlog Predsjedavajućeg Gradskog vijeća, jednoglasno je usvojen Zapisnik o radu 34. sjednice Kolegija Gradskog vijeća Grada Sarajeva održane 22.10.2018. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Priprema za održavanje 21. sjednice Gradskog vijeća Grada Sarajeva
2. Priprema za održavanje Dana državnosti Bosne i Hercegovine
3. Tekuća pitanja

**Ad 1)**

**a. Termin održavanja sjednice i dinamika aktivnosti u pripremi 21. sjednice Gradskog vijeća**

Poslije rasprave i sažetka Predsjedavajućeg, konstatirano je, odnosno zaključeno sljedeće.

- 21. sjednica Gradskog vijeća će se održati 28.11.2018. godine.
- Predlagači će prijedloge sa materijalima za razmatranje na 21. sjednici dostaviti Predsjedavajućem u četvrtak 08.11.2018. godine do 12 sati, osim akta koji Gradonačelnik ima namjeru predložiti Gradskom vijeću Prijedlog Odluke o sufinansiranju organizacije nastupa Državnog baleta na ledu "St. Petersburg" iz Rusije koji će biti naknadno dostavljen.
- Sjednice radnih tijela u pripremi 21. sjednice Gradskog vijeća održat će se u sedmici koja počinje s ponedjeljkom 12.11.2018. godine.
- Pozivi gradskim vijećnicima za 21. sjednicu Gradskog vijeća uputit će se u utorak 20.11.2018. godine.

b) Praćenje realizacije Programa rada Gradskog vijeća Grada Sarajeva za 2018. godinu, utvrđivanje gotovosti materijala u skladu s Programom i predlaganje novih tema u pripremi 21. sjednice Gradskog vijeća.

Kolegij Gradskog vijeća je konstatirao da je prema Programu rada Gradskog vijeća za tekuću godinu, izmijenjenog i dopunjenog na prošloj sjednici Gradskog vijeća, programirano razmatranje, u novembru mjesecu:

- Prijedloga Odluke o obrazovanju Odbora za dodjelu „Šestoaprilske nagrade Grada Sarajeva“ u 2019. godini, i
- Prijedloga Odluke o izmjenama i dopunama Odluke o spomenicima od interesa za Grad Sarajevo.

\*\*\*

Kolegij Gradskog vijeća je konstatirao da je utvrđena i obaveza da se, u novembru mjesecu, Gradskom vijeću, putem informativnog materijala, predoči Informacija o stanju ljudskih prava u BiH.

\*\*\*

Prema informaciji Gradonačelnika, Predsjedavajući je konstatirao da su spremni materijali za

- Prijedlog Odluke o izmjenama i dopunama Odluke o spomenicima od interesa za Grad Sarajevo,
- Informacija o stanju ljudskih prava u BiH

\*\*\*

Kolegij je konstatirao da je Gradonačelnik najavio predlaganje Gradskom vijeću razmatranja i sljedećih akata:

- Prijedlog Odluke o davanju stana na privremeno korištenje bez naknade Udruženju „Srce za djecu oboljelu od raka“ – novi prijedlog
- Prijedlog Odluke o izmjenama i dopunama Odluke o pristupanju izradi Regulacionog plana „Kvadrant C - Marijin Dvor“ – novi prijedlog
- Prijedlog Odluke o proglašenju manifestacija iz oblasti privrede, lokalnog poslovanja i razvoja grada od posebnog interesa za Grad Sarajevo - sadržano u Programu rada bez utvrđenog konkretnog roka za razmatranje na sjednici Gradskog vijeća
- Prijedlog Odluke o sufinansiranju organizacije nastupa Državnog baleta na ledu “St. Petersburg” iz Rusije – novi prijedlog
- Informacija o organizacionim pripremama za EYOF 2019 - prema zaključku Gradskog vijeća

\*\*\*

Kolegij Gradskog vijeća je upoznat da će Gradonačelnik uputiti i Inforamciju o izvršenju Budžeta Grada Sarajeva za period 01.01. - 30.09.2018. godine kako bi se Gradskom vijeću dostavila kao informativni materijal uz poziv za 21. sjednicu Gradskog vijeća.

Kolegij Gradskog vijeća je konstatirao da će se sjednica Komisije za izbor i imenovanja održati u petak 10.11.2018. godine s početkom u 9.30 sati, a s ciljem razmatranja prijedloga klubova gradskih vijećnika, odnosno utvrđivanja Prijedloga Odluke o obrazovanju Odbora za dodjelu „Šestoaprilske nagrade Grada Sarajeva“ u 2019. godini.

S tim u vezi, Predjedavajući Gradskog vijeća je pozvao predsjednike klubova gradskih vijećnika koji, u skladu s međustranačkim dogovorom, predlažu kandidate za članove Odbora iz reda javnih djelatnika i to urade pismenim putem prije početka Komisije.

Kolegij Gradskog vijeća je upoznat da će Klub gradskih vijećnika Naše stranke Komisiji za izbor i imenovanja predložiti i razrješenje, odnosno izbor člana Komisije za izbor i imenovanja, kako bi Komisija utvrdila prijedloge ovih odluka i uputila ih Gradskom vijeću na razmatranje i odlučivanje, a prije odlučivanja o obrazovanju Odbora za dodjelu „Šestoaprilske nagrade Grada Sarajeva“ u 2019. godini.

\*\*\*

Predsjedavajući Gradskog vijeća je podsjetio na teme koje su programirane za realizaciju do kraja tekuće godine, a za koje nije utvrđen konkretan rok za razmatranje i to:

- Prijedlog Elaborata o postavljanju reklamnih panoa i drugih sadržaja uz uređena korita vodotoka iz nadležnosti Grada Sarajeva (po prijedlogu Gradonačelnika);

- Prijedlog Odluke o izmjenama i dopunama Budžeta Grada Sarajeva za 2018. godinu (po potrebi)
- Prijedlog Odluke o pristupanju projektu podizanja spomenika ubijenim građanima Sarajeva 1995-1995 (po prijedlogu Gradonačelnika);
- Prijedlog Odluke o podizanju spomenika Esadu Arnautaliću (po prijedlogu Gradonačelnika);
- Prijedlog Odluke o podizanju spomenika Dariju Džamonji (po prijedlogu Gradonačelnika);
- Prijedlog Odluke o podizanju spomenika Kemalu Monteno (po prijedlogu Gradonačelnika).

Rasprava je vođena na temu dinamike odlučivanja Gradskog vijeća o podizanju spomenika kojima je Grad Sarajevo investitor, održavanju spomenika od značaja za Grad Sarajevo, te o potrebi planiranja sredstava za finansiranje ovih projekata. Rasprava nije rezultirala konkretnim zaključcima.

### c. Mogući prijedlog dnevnog reda 21. sjednice Gradskog vijeća

Predsjedavajući Gradskog vijeća je konstatirao da bi se, ukoliko materijali budu dostavljeni u potrebnom roku, prema raspravi i informacijama dobivenim na ovoj sjednici Kolegija Gradskog vijeća, u prijedlogu dnevnog reda 21. sjednice Gradskog vijeća trebale biti uvrštene sljedeće teme

1. Prijedlog Odluke o razrješenju člana Komisije za izbor i imenovanja
2. Prijedlog Odluke o izboru člana Komisije za izbor i imenovanja
3. Prijedlog Odluke o obrazovanju Odbora za dodjelu „Šetoaprilske nagrade Grada Sarajeva“ u 2019. godini
4. Prijedlog Odluke o davanju stana na privremeno korištenje bez naknade Udruženju „Srce za djecu oboljelu od raka“
5. Prijedlog Odluke o izmjenama i dopunama Odluke o pristupanju izradi Regulacionog plana „Kvadrant C - Marijin Dvor“
6. Prijedlog Odluke o proglašenju manifestacija iz oblasti privrede, lokalnog poslovanja i razvoja grada od posebnog interesa za Grad Sarajevo
7. Prijedlog Odluke o izmjenama i dopunama Odluke o spomenicima od interesa za Grad Sarajevo
8. Prijedlog Odluke o sufinansiranju organizacije nastupa Državnog baleta na ledu “St. Petersburg” iz Rusije (“Uspavanja ljepotica”, P.I. Čajkovski) - ZETRA 03.12.2018. godine
9. Informacija o organizacionim pripremama za EYOF 2019
10. Vijećnička pitanja i inicijative

### Informativni materijal

- Informacija o stanju ljudskih prava u BiH
- Informacija o izvršenju Budžeta Grada Sarajeva za period 01.01. - 30.09.2018. godine

\*\*\*

### **Ad 2)**

Kolegij Gradskog vijeća je upoznat sa informacijom o sadržaju i načinu na koji će Grad Sarajevo obilježiti Dan državnosti BiH u 2018. godini. Informativni materijal je u pisanoj formi u prilogu ovog zapisnika.

Poslije rasprave i sažetka Predsjedavajućeg konstatirano je, odnosno, zaključeno sljedeće:

- U ranim jutarnjim satima (8:00) će se upriličiti svečano podizanje zastave BiH na brdu Hum.
- Uslijedit će polaganje cvijeća i odavanje počasti na lokalitetima od značaja za Grad Sarajevo (od 8:45 do 11:30), u skladu sa gradskim propisom i to tako što će biti određena grupa gradskih vijećnika koji će odati počast na svim lokalitetima i za koje će prevoz biti osiguran kombijem u vlasništvu Grada Sarajeva.

Svi gradski vijećnici su pozvani da prisustvuju polaganju cvijeća i odavanju počasti na lokalitetima prema vlastitom izboru.

Predsjedavajući Gradskog vijeća će definirati protokol u suradnji s Gradonačelnikom.

- U organizaciji Grada Sarajeva pripremit će se cjelodnevni sadržaj u Zemaljskom muzeju (Osnovni koncept je u priloženom informativnom materijalu).
- U večernjim satima u Vijećnici će biti održan svečani događaj u organizaciji SUBNOR BiH, opredijeljen Danu državnosti BiH.

### **Ad 3)**

Poslije rasprave o inicijativi Nihada Uka upućenoj na 20. sjednici Gradskog vijeća, da se održi zajednička radna sjednica Gradskog vijeća Grada Sarajeva i Skupštine Istočnog Sarajeva, s ciljem razmatranja pitanja vezanih za sigurnost građana, vezanih za realizaciju EYOF-a, te razmatranja problematike iz drugih područja koja su od zajedničkog interesa, konstatirano je da će Predsjedavajući Gradskog vijeća razmotriti inicijativu sa predstavnicima Skupštine Grada Istočno Sarajevo, te da će izvijestiti Kolegij o rezultatima razgovora.

*SEKRETAR GRADSKOG VIJEĆA*  
*Safet Krajišnik, s.r.*

*PREDSJEDAVALJUĆI GRADSKOG VIJEĆA*  
*Dr. Igor Gavrić, s.r.*